

ZAPISNIK
O RADU DESETE RADNE SJEDNICE SKUPŠTINE KANTONA SARAJEVO ODRŽANE
25.10.2023.GODINE SA POČETKOM RADA U 10,00 SATI

Desetu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 31 zastupnica i zastupnik, dok su se ostali priključili u toku sjednice.

U skladu s naprijed iznesenim, prisustvo zastupnika Desetoj radnoj sjednici je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pabrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čengić Irfan
3. Čičić Davor
4. Kapo Belma
5. Pekić Jelena
6. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezan Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

U radnom dijelu sjednice, predsjedavajući je istakao da je Prijedlog dnevnog reda Desete Radne sjednice Skupštine Kantona Sarajevo utvrdio Kolegij Skupštine sjednicama održanim dana 11.10.2023.godine i 20.10.2023.godine, kada je izvršena dopuna istog.

Prilikom utvrđivanja Dnevnog reda, nakon što je predsjedavajući isti pročitao, zamolio je zastupnike da se izjasne o prijedlogu Kolegija Skupštine da se vodi objedinjena rasprava po tačkama 2, 3, 6 i 8. Dnevnog reda, a izjašnjavaње pojedinačno za svaku tačku.

Nakon glasanja, predsjedavajući je konstatovao da je Skupština većinom glasova (s 21 glasova „za“, 8 glasova „protiv“ i 1 glas „suzdržan“) prihvatila prijedlog Kolegija.

Potom je pozvao zastupnike da se izjasne o predloženom Dnevnom redu.

*Nakon glasanja, konstatovano je da je Dnevni red Desete radne sjednice Skupštine Kantona Sarajevo **usvojen većinom glasova** (s 20 glasova „za“, 7 „protiv“ i 5 „suzdržanih“), i glasi:*

1. Poslanička/zastupnička pitanja inicijative i odgovori;
2. Razmatranje ostavke premijera Kantona Sarajevo:
 - a) prijedlog Odluke o prihvatanju ostavke premijera Kantona Sarajevo;

- b) prijedlog Odluke o razrješenju Vlade Kantona Sarajevo.
3. Prijedlozi odluka o davanju/promjeni naziva ulicama na području Kantona Sarajevo:
- a) Prijedlog odluke o davanju naziva ulicama na području Općine Novi Grad Sarajevo;
 - b) Prijedlog odluke o promjeni naziva kraka dijela ulice na području Općine Centar Sarajevo - MZ "Betanija" u novi naziv: ulica Saše Krušića;
 - c) Prijedlog odluke o promjeni naziva dijela ulice na području Općine Centar Sarajevo - MZ "Hrastovi-Mrkovići" u novi naziv: ulica Hasanović Jusufa Juke;
 - d) Prijedlog odluke o preimenovanju kraka ulice na području Općine Centar Sarajevo - MZ "Pionirska dolina" u novi naziv: ulica Prof.dr. Mustafe Imamovića;
 - e) Prijedlog odluke o imenovanju ulice Nahorevo na području Općine Centar Sarajevo - MZ "Nahorevo" u novi naziv: ulica Šehida Nahoreva;
 - f) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv (nastavak postojeće ulice): ulica Armije Republike Bosne i Hercegovine;
 - g) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv: ulica Vroce;
 - h) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv: ulica Selja;
 - i) Prijedlog odluke o imenovanju ulice na području Općine Centar Sarajevo- MZ "Nahorevo" u novi naziv ulica Gradac;
 - j) Prijedlog odluke o imenovanju ulice na području Općine Centar Sarajevo- MZ "Nahorevo" u novi naziv: ulica Usjel.
4. Prijedlog Odluke kojom se daje saglasnost na nacrt Ugovora o prenosu prava vlasništva uz protučinidbu između Kantona Sarajevo i Kantonalnog javnog komunalnog preduzeća „Vodovod i kanalizacija” d.o.o. Sarajevo koji će biti zaključen pred notarom između Kantona Sarajevo, kao sticaoca i Kantonalnog javnog komunalnog preduzeća „Vodovod i kanalizacija” d.o.o. Sarajevo, kao prenosioca;
5. Prijedlog Odluke o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo;
6. Programi rada iz oblasti zdravstva za 2023. godinu
- a) Prijedlog Odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2023. godinu;
 - b) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu žena i materinstva Kantona Sarajevo za 2023. godinu;
 - c) Prijedlog Odluke o davanju saglasnosti na Program rada i finansijski plan Javne ustanove Kantona Sarajevo Zavod za zaštitu zdravlja studenata Univerziteta u Sarajevu za 2023. godinu;
 - d) Prijedlog Odluke o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2023. godinu;
 - e) Prijedlog Odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2023. godinu;
 - f) Prijedlog Odluke o davanju saglasnosti na Program rada i finansijski plan Javne ustanove „Apotheke Sarajevo“ za 2023. godinu;
 - g) Prijedlog Odluke o davanju saglasnosti na Program rada i finansijski plan Javne ustanove Opća bolnica „Prim. dr. Abdulah Nakaš“ za 2023. godinu;

- h) Prijedlog Odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović za 2023. godinu;
 - i) Prijedlog Odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2023. godinu;
 - j) Prijedlog Odluke o davanju saglasnosti na Program rada i finansijski plan Javne ustanove Zavod za bolesti ovisnosti Kantona Sarajevo za 2023. godinu;
 - k) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2023. godinu;
 - l) Prijedlog Odluke o davanju saglasnosti na Program rada i finansijski plan Kliničkog centra Univerziteta u Sarajevu za 2023. godinu;
 - m) Prijedlog Odluke o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2023. godinu;
7. Izvještaj o radu Univerziteta u Sarajevu za 2021. godinu sa Programom rada za 2022. godinu (sa Izvještajem o finansijskom poslovanju Univerziteta u Sarajevu za 2021. godinu i Izvještajem interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period od 1.1.-31.12.2021. godine);
 8. Izvještaji o poslovanju Kantonalnih javnih preduzeća:
 - a) Izvještaj o poslovanju Kantonalnog javnog preduzeća “ZOI 84” Olimpijski centar Sarajevo d.o.o. Sarajevo za 2021. godinu;
 - b) Izvještaj o poslovanju Kantonalnog javnog preduzeća Centar “Skenderija” d.o.o. Sarajevo za 2021. godinu;
 - c) Izvještaj o poslovanju Kantonalnog javnog preduzeća “Sarajevo - šume” d.o.o. Sarajevo za 2021. godinu;
 9. Izvještaj o radu i finansijskom poslovanju Javne ustanove Institut za razvoj preduniverzitetskog obrazovanja Kantona Sarajevo sa finansijskim planom za 2022. godinu, sa priložima;
 10. Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila- žrtava rata „IKRE“ sa izvještajem o finansijskom poslovanju za 2022. godinu;
 11. Izvještaj o radu za 2022. godinu i Izvještaj o finansijskom poslovanju za period 01.01.-31.12.2022.godine Javne ustanove “Fond Memorijala Kantona Sarajevo”;
 12. Izvještaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2022. godinu;
 13. Izvještaj o radu i finansijskom poslovanju Kantonalnog stambenog fonda Sarajevo za 2022. godinu.

Predsjedavajući je pročitao informativne materijale koji su dostavljeni zastupnicima:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec avgust 2023. godine;
- Izvještaj o provođenju Zakona o državnoj službi u Kantonu Sarajevo (“Službene novine Kantona Sarajevo”, broj: 31/16 i 45/19) u organima uprave i službama Kantona Sarajevo za period mart – septembar 2023. godine;
- Izvještaj o finansijskoj reviziji Javne ustanove „Studentski centar“ Sarajevo za 2022. godinu;

- Izvještaj finansijske revizije o praćenju postupanja po preporukama Izvještaja o finansijskoj reviziji Kantonalnog javnog preduzeća „Poljoprivredno dobro Butmir“ d.o.o. Sarajevo-Ilidža za 2018. godinu;
- Izvještaj finansijske revizije o praćenju postupanja po preporukama Izvještaja o finansijskoj reviziji Univerziteta u Sarajevu za 2017. godinu;
- Izvještaj o razvoju Kantona Sarajevo za 2022. godinu.

*Potom je predsjedavajući pozvao zastupnike da se izjasne o Zapisniku s Osme radne sjednice Skupštine Kantona Sarajevo, održane 30.05., 03.07., 07.07. i 11.09.2023.godine., te je nakon glasanja konstatovao da je isti **usvojen većinom glasova** (s 28 glasova „za“ i bez glasova „protiv“ i 1 glas „suzdržan“).*

Zastupnik Muamer Bandić je u svojoj poslovničkoj intervenciji zamolio predsjedavajućeg da u skladu s članom 29. Ustava Kantona Sarajevo, tačka g), obezbijedi prisustvo premijera i ministara sjednicama Skupštine Kantona Sarajevo.

TOK SJEDNICE

Realizacija prve tačke dnevnog reda.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je otvorio tačku i dao riječ prvoj prijavljenoj zastupnici.

Zastupnica Fatima Gavrankapetanović-Smailbegović je podnijela sljedeće (citiramo): „Ja imam pitanje za premijera Nihada Uka. S obzirom da je Vlada Federacije usvojila Rebalans budžeta te odobrila 10 000 000 za Fond solidarnosti i da je zadužila Kantone da preuzmu ostali dio duga, šta ste uradili po tom pitanju? Da li ste imali hitnu sjednicu Vlade? Da li ste donijeli neke zaključke ili eventualno rješenja? Danas je to jedan od najvećih problema i za Federaciju i za Kantona Sarajevo. Molim usmeni odgovor. I imam još jedno pitanje za ministra zdravlja, doktora Harisa Vranića. Kako je moguće da su liste čekanja za radiološke pretrage, pogotovo za ultrazvuk, duže od 3 mjeseca, s obzirom da Dom zdravlja ima 14 radiologa i da znamo da su u zadnje vrijeme uložena značajna materijalna sredstva za radiološku dijagnostiku? Također, molim usmeni odgovor i zahvaljujem se“.

Zastupnik Adi Kalem je podnio sljedeće (citiramo): „Moja inicijativa se odnosi na slično pitanje koje je postala kolegica Fatima Gavrankapetanović, a tiče se upravo ovoga dijela, odnosno obezbjeđenja dovoljnog broja hemoterapija za oboljele od karcinoma u Kantonu Sarajevo. Obzirom da je mjesec oktobar se obilježava kao mjesec podizanja svijesti o prevenciji raka dojke, je li, Federacija je već Rebalansom budžeta za 2023. godinu, predvidjela ta sredstva u iznosu od 10 000 000 konvertibilnih maraka, zadužila jel zaključkom, odnosno pozvala je kantonalne vlade i , kantonalne zavode zdravstvenog osiguranja koji su iskazali suficit, da se pridruže naporima Vlade u rješavanje problema liječenja pacijenata oboljelih od karcinoma i osiguraju dio sredstava potrebnih za njihovo liječenje do kraja godine, naglašavam. Obzirom na broj oboljelih u Kantonu Sarajevo, samo u prošloj godini 764 osobe, nove osobe, i taj broj je u stalnom porastu, molim Skupštinu Kantona Sarajevo da iznađemo način da pomognemo ovim ljudima da se izbore sa ovom opakom bolešću i osiguravamo im pravo na liječenje. I uz ovu inicijativu sam poslao i zaključak i molit ću da se Skupština izjasni po ovom zaključku. Također ću u sklopu svojih inicijativa poslati još jednu inicijativu i molim vas da prosljedite resornim ministarstvima, a tiče se inicijative za unapređenje i održavanja javne rasvjete u Kantonu

Sarajevo, posebno kod obrazovnih institucija. I tragom ovoga još jedna inicijativa za Ministarstvo saobraćaja i Ministarstvo obrazovanja. A tiče se inicijative za korištenje, reflektirajućih trakica za učenike od prvog do četvrtog razreda“.

Dopredsjedavajuća Danijela Kristić je podnijela sljedeće (citiramo): „Ja ću imati danas dvije inicijative. Prva inicijativa: ovim putem podnosim inicijativu da se nabavi neophodna oprema koja je potrebna za vanjski dio Dnevnog centra vrtić "Ciciban" Udruženje "Dajte nam šansu". Obrazloženje: u sklopu dnevnog centra vrtić "Ciciban" planirana je izgradnja igrališta sa spravama za osobe sa poteškoćama u razvoju i pripadajućim ostrvima sa antistres podlogama te natkriveni sadržaj šadržvan za edukaciju, rekreaciju i odmor korisnika dnevnog centra. Druga inicijativa: ovim putem podnosim inicijativu da se izvrši rekonstrukcija krova Srednje škole za stručno osposobljavanje. Obrazloženje: inicijativu podnosim iz razloga što je postojeći krov dotrajavao, primjetna su oštećenja zbog starosti, isti prokišnjava, te se nastava odvija u neuslovnim prostorijama. Ostalo ću u pisanoj formi”.

Zastupnik Jasmin Šaljić je podnio sljedeće (citiramo): „Predsjedavajući imam je pitanje za Ministarstvo unutrašnjih poslova i Upravu policije, ali evo pošto je tu ministar, zašto nije bilo obustave saobraćaja prilikom održavanja skupa za podršku Palestinskom narodu u nedjelju? Bilo je nekoliko 1000 ljudi. Razumijem da možda niste imali procjenu, da će se odazvati toliki broj građana, ali kada je već se formirala grupa, mogli ste tada, to je, prebukiran je bio saobraćaj između Vijećnice i tramvajski saobraćaja, trotoara. Moglo je doći do ozbiljnijih posljedica. Drugo je pitanje, postavio sam inicijativu, pitanje za Vladu Kantona Sarajevo, evo za premijera Uka pošto je ovdje, a može bilo ko, šta je sa paketom pomoći koje je usvojila Skupština i Vlada Kantona Sarajevo za narod u Turskoj, za regiju, pogođenu zemljotresom, Hataj i Kahraman Maraš? Ja sam lično vam iz Hataja poslao inicijativu da pomognete selu siročadi u mjestu Rehanli. U martu sam postavio pitanje Vladi Kantona ima li kakav paket pomoći? Odgovorili ste da će to Vlada. Evo, ja vas pitam jeste li uputili pomoć, ako jeste koju vrstu pomoći? Ako je novac, koliki iznos? Ako niste, zašto niste? Eto, molim da se to odgovori. Pokrećem inicijativu prema Ministarstvu saobraćaja ili Direkcije. Molim ministra Štetu u ime Mjesne zajednice, Mjesnih zajednica Adema Buče, Dolac, Briješće, Alipašin Most 2 da nam izađu u susret u glavnoj ul. Adema Buče, koja od OŠ do deponije Smiljevići dužinu od 3, 4 km na pojedinim mjestima, odnosno na više mjesta, nema zaštitne ograde. Ograda je nekad bila, rekonstrukcijom, prije šest, sedam godina te ceste, ograda je sklonjena i nikad je nisu vratili. Napominjem, 1200 učenika ide u tu školu, djeca su nemirna, idu u grupama. Ta je komunikacija opterećena kamionima za deponiju, autobusima, pa vas molim za tu zaštitnu ogradu. I usput, zahvalio bih se ministru Katici za radar koji je postavljao pored Škole i on već daje efekte, to su nam potvrdili u Vijeću roditelja i nastavnika“.

Zastupnik Damir Marjanović je podnio sljedeće (citiramo): „Postavit ću par pitanja, u stvari dva pitanja koliko mi se dozvoljava. Prvo pitanje ide Ministarstvu financija. Dana 28. 9. 2023. zaprimili ste zahtjev "Preraspodjela sredstava u okviru odobrenog Budžeta Kantona Sarajevo za 2023.godinu u iznosu 1.401 500, znači milion i četiri stotine hiljada KM". To vam je uputilo Ministarstvo komunalne privrede, infrastrukture, prostornog uređenja, građenja, zaštite okoliša. Jedna od stavki je bila vezana za projekte upravljanja, saniranja deponije Smiljevići. Ovo je dokument koji mi je dostavio gospodin Bećirević prošli put. Ja mu se zahvaljujem na tome. Molim vas, dajte mi sada recite da li ste realizirali tu preraspodjelu i da li su ta sredstva operativna i da li se mogu usmjeriti onome gdje je uvaženi ministar i rekao da trebaju da se usmjere? Drugo pitanje ide zajedničko je pitanje za Ministarstvo za odgoj, Ministarstvo za visoko obrazovanje, nauku i mlade, uz jedno malo podsjećanje Ministarstvo odgoja i obrazovanja da još uvijek čekam odgovor na pitanje što se dešava sa inicijativom Vijeća roditelja Osnovne škole Osman Nakaš vezano za davanje imena školskom dvorištu, mislim da ste već upoznati više puta s te strane, pa

neće se tu gubiti vrijeme, ali pitanje je vrlo konkretno: zašto u proteklih 6 mjeseci niste ništa učinili znači oba ministarstva, da bi ispunili svoju obvezu sa Tematske sjednice o reformi obrazovanja, a kojom je Skupština, tada jasno dala da svaka 3 mjeseca nas morate izvještavati što se dešava sa procesom reforme obrazovanja iz vaše nadležnosti. Znači, želim usmene odgovore i na pitanje koje sam postavio Ministarstvu finansija, a i na pitanje koje sam postavio za oba ministarstva. Znači, ponavljam još jednom, zašto u proteklih šest mjeseci na Skupštini, nismo imali niti jednom tačku, barem koliko ja znam, ako jesmo, izvinjavam se što sam propustio, glede reforme obrazovanja i analize procesa kurikularne reforme, jer to je vaša obaveza koju ste preuzeli i dobili još 2019. godine kroz Tematsku sjednicu vezano za reformu obrazovanja u Kantonu Sarajevo“.

Zastupnica Sanela Klarić je podnijela sljedeće (citiramo): „Imam dvije zastupničke inicijative i dva zastupnička pitanja. Prva inicijativa ide prema Ministarstvu komunalne privrede, infrastrukture, prostorno uređenje, građenja i okoliša Kantona Sarajevo i Javno poduzeću Pokop Sarajevo. Radi se da se hitno krene u planiranje efikasnog funkcionisanja organizacije prostora infrastrukturnih proširenja održivog odgovornog upravljanja na grobljima Kantona Sarajevo, posebno na gradskom groblju Vlako, neophodno je da se organizuje veći broj parking mjesta, odnosno, koliko sam ja shvatila od građana i kroz svoje iskustvo, veliki broj parking mjesta je obezbijeden za autobuse, ne održavaju se ti parkinzi, zato zbog velikog broja zajedničkih dženaza i sahrana ljudi imaju probleme da nađu parking mjesta, ima veliki broj oštećenja na kolovozu i onda jednostavno imamo i probleme sigurnosti, kako vozača, tako i pješaka, i iz tog razloga je jako važno da se to što bolje organizuje, posebno na ovom groblju. Treba se posvetiti pažnja i čišćenju tih prostora, infrastrukturnih, zajedno sa ovim KRO RAD neophodno je da se čak i radi na odvajanju otpada i građani također mole da se grade česme sa posebno dizajniranim dijelom da se mogu prati obuća nakon, posebno kad imamo na tim grobljima situaciju kiša, jako je važno da ljudi mogu da se osvježe, operu poslije toga. Druga inicijativa prema Ministarstvu saobraćaja Kantona Sarajevo i Ministarstvu unutarnjih poslova da se obezbijede i timovi saobraćajnih policajaca koji će edukovati vozače o pravilnom korištenju kružnih tokova na teritoriji Kantona Sarajevo. Jako puno smo kružnih tokova izgradili, međutim ljudi, vozači nisu edukovani i imamo, svjedočimo velikim problemima u korištenju ovih posebno dvije trake, čak i kada imate autoškole, vidite da se novi vozači uče da koriste vanjsku traku umjesto vanjsku umjesto unutrašnju. Tako da je važno do mjesec dana provedemo da ih edukujemo, a onda narednih mjesec dana možemo ih provesti da i kažnjavamo. I dva zastupnička pitanja su vezana u kojoj fazi, koja je dinamika realizacije projekta proširenja Južne longitudinalne na teritorij Opštine Novi Grad, kao i to u kojoj je fazi projekt produženja isključenih traka prema naseljima na magistralnom putu M 18 na teritoriji Opštine Novi Grad, ali i Ilidža. Znamo koliko je pomoglo ovo proširenje isključenih traka na teritoriji Novog Sarajeva, Opštine Novo Sarajevo, jako je važno da se to uradi u Novom gradu, a posebno ova Južna longitudinalna će pomoći da smanjimo gužve. Znamo da postoji plan ovih istočnih traka još od 2018. godine i nas interesuje zašto ovo nije realizovano?“

Predsjedavanje sjednicom nakratko je preuzela dopredsjedavajuća Danijela Kristić.

Zastupnica Mersiha Mehmedagić je podnijela sljedeće (citiramo): „Za danas imam zastupničku inicijativu koju upućujem Ministarstvu unutrašnjih poslova. Naime, molim da mi se dostavi informacija o broju prijavljenih slučajeva nasilja u porodici, broju izrečenih zaštitnih mjera u periodu od 2020. godine do 2023. godine u skladu sa Pravilnikom o izricanju zaštitnih mjera za počinioce nasilja u porodici koji su u nadležnosti policije. U navedenoj informaciji molim da mi se dostave i podaci o broju kršenja mjera i broju ponovljenih izrečenih mjera o istom počinioocu, sa vremenskim okvirom ponavljanja mjera, kao i podatke o radnjama nasilja iz člana 7. Zakon o zaštiti nasilja u porodici po prijavama. Naime, 23. oktobra je Vijeće Kantonalnog suda u

Sarajevu izreklo po ponovljenom postupku presudu kojom je Eldin Hodžić ponovo osuđen na jedinstvenu kaznu zatvora u trajanju od 35 godina zbog počinjeno teškog slučaja nasilja u porodici kada je brutalno ubio pred roditeljima i pred djetetom svoju suprugu. Ovu inicijativu podnosim da vidim na koji način se policija obračunava sa ovakvim slučajevima, jer ovaj slučaj nasilja je prvi put prijavljen po javno dostupnim informacijama od 2017. godine. Ponavljao sad do 2020. godine i završio se smrtnim ishodom. Tako da, molim da mi se dostavi ova sveobuhvatna informacija kako bi smo dalje zauzeli neke stavove u kom pravcu treba da se radi i djeluje i mijenja legislativa da bi se ovakve stvari preduprijedile. Što se tiče pitanja i inicijativa, zaista se, nakon niza neodgovorenih pitanja, inicijativa pitam ima li smisla to uopšte raditi? Od Vlade sam tražila informaciju, još u maju da mi se dostave podaci o projektima koji se provlače dugi niz godina kroz budžete, to su Akademija scenskih umjetnosti, rekonstrukcija bazena na Fakultetu sporta i tjelesnog odgoja, škola u prirodi u Šabićima, poslovno sportski centar Trnovo, podzemna garaža na Bjelašnici. I nikad do sad nisam dobila odgovor, napominjem, ne postavljamo, kao i sve druge kolege, ne postavljamo pitanje i inicijative radi statistike koja se vodi, postavljamo da pomognemo u rješavanju problema naših građana, postavljamo pitanja i inicijative da zaštitimo interese Kantona Sarajevo i molim da se zaista malo ozbiljnije povede računa o odgovaranju i roku koji protekne od podnošenja inicijative. Inače, zaista se sve obesmisli”.

Zastupnica Elza Gaković je podnijela sljedeće (citiramo): „Za ovu sjednicu ja ću podnijeti dvije inicijative i jedno zastupničko pitanje. Prva inicijativa glasi: podnosim inicijativu da se u što hitnijem roku po hitnoj proceduri za potrebe stanovnika naselja Bojnik 2 uradi idejno rješenje i projekat, tj projektna dokumentacija za izgradnju vrtića i osnovne škole, kao i sportskih igrališta kako bi se isti kandidovao i uvrstio u Budžetu Kantona Sarajevo za narednu 2024. godinu. Obrazloženje: obzirom da je Regulacionim planom Bojnik 2 predviđene izgradnja ovakvog objekta i jednako je važno da postoji građevinsko zemljište u vlasništvu općine Novi Grad, podnosim inicijativu da se u što hitnijem roku uradi idejno rješenje, projekat, projektna dokumentacija kako bi se ovaj projekat našao u Budžetu Kantona Sarajevo za narednu godinu. Interes i potreba građana za ovim sadržajem je ogromna, budući da na širem lokalitetu takvih objekata nema, a da djeci iz naselja koja gravitiraju predmetnom lokalitetu pohađaju značajno udaljene škole i vrtiće, čime se roditelji i djece stavljaju u težak položaj. Kanton Sarajevo je pokazao interes za financiranje ovog projekta i jako je bitno da je to pozitivno za unapređenje uslova života i najprije u onim naseljima gdje nedostaju ovakvi bitni sadržaji za funkcionisanje šire zajednice, sa fokusom na djecu i omladinu, u obezbjeđivanje adekvatnih uslova Skupštini za zdravo odrastanje. Inicijativa broj dva: upućujem inicijativu prema Ministarstvu saobraćaja da uputi Ministarstvu prema općini Novi Grad Sarajevo za uvođenje vanlinijskog prijevoza za učenike mjesnih zajednica Dobroševići koji pohađaju Osnovnu školu Mustafa Busuladžić i učenike Mjesne zajednice Naselja Heroja Sokolje koji pohađaju Osnovnu školu Sokolje. Obrazloženje: evidentan je dugogodišnji problem neredovnih linija javnog gradskog prijevoza, a svakodnevno učenici koji pohađaju ove dvije osnovne škole, pješače po par kilometara do škole. U istom položaju su i djeca Mjesne zajednice Naselje Heroja Sokolje, koji zbog neredovnih linija javnog gradskog prijevoza isto tako pješače po par kilometara do Osnovne škole Sokolje. 2022 godini mi imamo jednu dobru praksu gdje je općina Centar u saradnji sa Ministarstvom saobraćaja potpisala sporazum o saradnji i uspješno je riješila problematiku 274 učenika Osnovne škole Nafija Sarajlić i po istom modelu uvođenja vanlinijskog prijevoza za učenike Osnovne škole Mustafa Busuladžić i Osnovne škole Sokolje, ja iniciram rješavanje ove problematike. I zastupničko pitanje. Da li alternativni prijevoznik Centrotans na liniji Stup Dobroševići saobraća po modificiranoj, tj skraćenoj liniji? Ako saobraća ja iniciram da se ova linija produži i da sa postojeće relacije Stup- Dobroševići se produži na relaciju Stup-Gornji Ahatovići. Pošto nemam vremena dalje ću u pisanoj formi”.

Zastupnica Smiljana Viteškić je podnijela sljedeće (citiramo): „Ja imam jednu inicijativu koju upućujem Ministarstvu saobraćaja Kantona Sarajevo, a to je da se ulici Blagovac 1. Mjesna zajednica Blagovac, općina Vogošća izradi postavljanje horizontalnih usporivača brzine na dvije ili više tačaka duž navedenih saobraćajnice. Obrazloženje. Ulica Blagovac 1 u Općini Vogošća se proteže duž gusto naseljenog lokaliteta mjesne zajednice i spada u relativno frekventne saobraćajnice. Obzirom da neodgovorni pojedinci voze jako velikom brzinom, što predstavlja opasnost za sve pješake, pogotovo za djecu i starije osobe, nadamo se da ćete u što kraćem roku reagovati kako ne bi došlo do neželjenih posljedica, te kako bi upravljanje vozilima bilo isključivo prema saobraćajnoj signalizaciji i saobraćajnim pravilima. Inicijativu je 2020. godine uputila zastupnica Amra Hasagić. I ona je djelomično realizovana postavljanjem saobraćajnih znakova kojima se ograničava brzina kretanja motornih vozila na 40 km/h. Tom prilikom su dostavljeni i potpisi građana naselja Blagovac koji zahtijevaju i usporivače brzine“.

Zastupnica Marijela Hašimbegović je podnijela sljedeće (citiramo): „Za ovu sjednicu pripremila sam dvije inicijative i jedno zastupničko pitanje. Konceptualno ću ih prezentirati. Inicijativa glasi: zahtijevam izvršenje inspekcijskog nalaza Javnog poziva u organizaciji Ministarstva privrede za ribolovna prava na ribolovnom području na periodu 10 godina za jezero Starača. Drugo, druga inicijativa je da zadužuje Ministarstvo kulture i sporta, Skupštini da izvrši provjeru da li javne ustanove kulture posjeduju plan za zaštitu od požara, kao i druge mjere propisane zakonom po pitanju zaštite od požara. I pitanje za našeg uvaženog premijera, za koje očekujem odgovor na ovoj sjednici, da li je Centralna komisija HKD Napredak uputila ponudu za prodaju Napretkove kuće, obzirom da Vlada Kantona Sarajevo ima pravo prve kupnje, jer lokacija je dijelom u zaštićenoj zoni i Zakon o zaštiti prirode Federacije BiH u članu 166. decidno propisuje pitanje prodaje nekretnine i redosljed radnji“.

Zastupnica Mimirka Melank je podnijela sljedeće (citiramo): „Ja imam dvije inicijative. Prva se odnosi na preimenovanje Doma mladih. Dakle podnosim inicijativu da se Dom mladih u Skenderiji nazove Dom mladih Želimir Altarac Čičak. Inicijativa je proizvod konsultacija u kojima su značajnu ulogu imale Sara Arslanagić i Aida Lihčić, a uključila je i porodicu preminulog Čička. Vjerujem da će se sa mnom u ovome složiti svi kojima je domaća rokenrol scena na srcu. Čičak je jedan od najznačajnijih i najutjecajnijih kreatora bosansko- hercegovačke i sarajevske muzičke scene, prvi disk džokej, urednik i voditelj mnogih popularnih radijskih televizijskih emisija, promotor i organizator velikih rock spektakla, publicista, animator rok kulture, inicijator nebrojenih muzičkih manifestacija koje su zbog njegovog učešća postale popularne i tradicionalne. Za ovu priliku spomenut ću samo par priznanja među mnogima koje je Čičak dobio, to je Spomen plaketa Grada Sarajeva, medalja rada, estradna nagrada BiH, zlatni ljiljan Davorin 2005, počasni građanin Grada Sarajeva itd. Ako postoji javni u prostoru u Sarajevu, koji je prepoznat kao mjesto rođenja i odrastanja rokenrola, to je sigurno Dom mladih, ako postoji osoba koja bi se za to mogla nazvati roditeljem tog odrastanja, onda je to Želimir Altarac Čičak. Stoga je jedino logično i jedino pravično da to porodilište sarajevske muzičke scene dobije ime po onom koji je odgojio čitavu plejadu muzičara jednog grada. Nakon svega Čičak jeste genijus loci Doma mladih, duh koji će očuvati onu muziku koja je bila i ostala simbol slobode i buntovništva. Moja druga inicijativa odnosi se na Ministarstvo zdravstva Kantona Sarajevo da se izvrši nadzor nad radom Kantonalne ljekarske komore. Riječ je o tome da u Statutu ove komore postoji diskriminatorna odredba u vezi ograničenja, dobnog ograničenja. Doktori medicine koji su kao penzioneri, zaposleni u jednom broju privatnih ordinacija i poliklinika, obratili su se institucijama za zaštitu ljudskih prava u vezi odredbi Statuta koja ograničava rad ljekarima kada napune 75 godina, bez obzira na fizičko i zdravstveno stanje i ljekarski pregled kojim se potvrđuje sposobnost za rad. Prema pravilniku Ljekarske komore, njima se oduzima licenca dakle, bez obzira na to što posjeduju sposobnost za rad koja je potvrđeno. Uputit ću ovo pitanje Ministarstvu kompletno, pošto sada nemam vremena da pročitam u cijelosti“.

Zastupnik Samir Avdić je podnio sljedeće (citiramo): „Moje prvo pitanje je prema Ministarstvu privrede Kantona Sarajevo a u vezi je sa jel nekad poznatim i više puta proglašavanim najboljim hotelom, hotelom u Kantonu Sarajevo radi se o hotelu Maršal. On je radi javnosti, govorim zatvoren 2017. godine. U međuvremenu, prema mojim informacijama, dogovorene su određene nesuglasice sa Terminalima Federacije i on se u ovom trenutku nalazi u stopostotnom vlasništvu Kantona Sarajevo. Pitanje postavljam u ime 22 radnika koji su 2017. godine ostali bez posla i prema kojima postoje određena dugovanja na koja idu i zatezne kamate te se samim ne rješavanjem problema Maršala dešavaju novije štete prema Budžetu Kantona Sarajevo. Pored toga, dešavaju se štete na objektu, i svako onaj koji se nađe na Bjelašnici u Babinom dolu vidi da taj objekat u vlasništvu Kantona Sarajevo propada. Navodno postoje određene nesuglasice sa opštinom Trnovo, pa bih zamolio iz Ministarstva da informišu Skupštinu Kantona Sarajevo, kakav je status trenutno hotela, da li postoje te nesuglasice sa Opštinom Trnovo i u kojoj fazi je rješenje tog problema? Moje drugo pitanje također se tiče Babinog dola i Bjelašnice. Svjedoci smo nečega što više ne možemo nazvati ni urbicid, već više građevinsko izivljavanje i divljanje nad prirodom. Evo, prije 2 dana sam vidio na Facebook profilu našeg režisera Srđana Vuletića i video koji prikazuje isticanje fekalija na Babinom dolu i sve to dolazi dolje skroz do vodozaštitne zone na Ilidži, pa me zanima od strane Uprave za inspekcijske poslove Kantona Sarajevo da li su radili i da li su radili ikakve aktivnosti u vezi s tim? Znam, znam da imaju ingerencije određene, jer evo maloprije kolegica Mehmedagić spominjala školu u prirodi u Šabićima, znam da je inspekcija našla vremena da obiđe tu školu i da je zatvori, pa me zanima da li su eventualno i vršili kontrolu nad tim građevinskim radovima i tim građevinskim radovima u Babinom dolu. Moja inicijativa je prema našim partnerima i iz prijevoznčkog društva Centrotrans. Oni su, naime, nedavno preuzeli od Grasa liniju Doglodi-Otes Ilidža”.

Zastupnica Admela Hodžić je podnijela sljedeće (citiramo): „Moje pitanje se odnosi na Ministarstvo, kulture i sporta Kantona Sarajevo. Postavljala sam par pitanja već do sada, ali samo sam od Narodnog pozorišta dobila neke konkretnije odgovore, no, međutim tražim, preciznije, da mi se odgovori. Podnosim pitanje menadžmentu svih pozorišta u Kantonu Sarajevo, Narodno pozorište, Kamerni teatar, SARTR i Pozorište mladih i BKC-u i tražim da mi se dostave odgovori u najkraćem mogućem roku na sljedeća pitanja: da li je moguće dobiti tačne podatke za period od 1. 1. 22. godine do danas kome su gore navedene ustanove kulture, po kojim uslovima i kriterijima dodjeljivali prostore pod zakup, po kojim pravilnicima i odlukama sa tačno navedenim datumima korištenja sale i izvedenim programima, iznosom plaćene naknade za korištenje, kao i to u kome su i po kojim kriterijima dodijeljene sale besplatno ili odobreni popust? Tačno navesti obrazloženje za oslobađanje od plaćanja ili odobreni popust i sve podatke korisnika ovih pogodnosti. Zašto ni u jednom članu Pravilnika Narodnog pozorišta ne postoje stavke koje se odnose na iznajmljivanje prostora udruženjima profesionalnih umjetnika, nezavisnih muzičko-scenskim produkcijama, formalnim i neformalnim grupama umjetnika koji imaju potrebu svoje kreacije predstaviti i prikazati na scenama Narodnog pozorišta Sarajevo, a koje nisu dio umjetničke koprodukcije ili saradnje sa Narodnim pozorištem? Da li je to svojevrsna diskriminacija? U Pravilniku Narodnog pozorišta se od troškova iznajmljivanja sale izuzima samo MES, koji je kao Internacionalni teatarski festival, ne plaća korištenje nijednog prostora Narodnog pozorišta, dok se festivalima kao što je SFF i Balet fest omogućuje da za minimalna sredstva koristi sve kapacitete Narodnog pozorišta. Pošto je riječ o udruženjima građana, a to i jesu Sarajevo film festival i Balet fest, da li to znači da i druga udruženja građana umjetničkog profila i festivali imaju isti tretman, odnosno da li mogu zakupiti salu pod istim uvjetima kao i ovi festivali. jer nisu navedeni u pravilniku? Da li je tačno da je direktorica Balet festa i dugogodišnja predsjednica Upravnog odbora Narodnog pozorišta u sukobu interesa? Da li je tačno da Narodno pozorište drži zaključana vrata za muzičko-scenske projekte koje kreiraju nezavisni profesionalni umjetnici? Prema uvidu u troškovnik predstava vidljivo je da je skoro svaka premijera koštala oko

1000 konvertibilnih maraka. Da li je moguće dobiti detaljan troškovnik za predstave Idiot, Orestija i Orfej u podzemlju? Zahvaljujem se za sada. Ovo su dostavili nezavisni umjetnici koje zanimaju ovi podaci, a ja ću ostalo dostaviti u pisanoj formi pošto ne želim da koristim vrijeme“.

Zastupnik Muamer Bandić je podnio sljedeće (citiramo): „Imam jednu zastupničku inicijativu. Dakle, zbog neprilagođene brzine kretanja automobila u ulici Safeta Zajke na relaciji Briješće-Rajlovac iniciram postavljanje stacionarnog radara ili kamere. Na ovom pravcu vozi se neprilagođenom brzinom, zbog čega se skoro svakodnevno dešavaju saobraćajne nesreće. Jedna od njih je nedavno završila smrtnim ishodom. Ovo je neophodno što prije realizirati jer se na ovom dijelu nalazi dvije osnovne škole te je sigurnost djece na putu od kuće do škole jako ugrožena. Imam pitanja za Ministarstvo obrazovanja. Asistenti koji rade sa u odjeljenjima i grupama sa učenicima sa poteškoćama u razvoju zaključuju ugovor o radu 1. septembra, a zatim taj ugovor prekidaju 1. januara. Nakon toga ponovo potpisuju u februaru ugovor i opet tako u junu prekidaju. Na taj način im se izbjegava ono što i im pripada po Zakonu o radu, dakle na ovaj način nemaju pravo ni na godišnji i na regres i sve one druge dodatke koji bi im pripadali da rade u skladu sa Zakonom o radu ili sa Zakonom o osnovnom obrazovanju. Evo, postavljam pitanje ministrici da li ima namjeru Ministarstvo da u narednom periodu riješi radno pravni status ovih zaposlenika“.

Dopredsjedavajuća Jelena Pekić je podnijela sljedeće (citiramo): „Moja inicijativa se odnosi na sljedeće. Budući da je produženi boravak u zakonu prepoznat kao specifičan oblik odgojno-obrazovnog rada, tražimo da se uvede i program subvencioniranja produženog boravka za svu djecu u Kantonu Sarajevo, kao što imamo pozitivan primjer subvencioniranja vrtića, a što je prethodno inicijativu na prethodnoj Skupštini, sjednice Skupštine podnijela i moja kolegica Ministarstvo, Skupština Vildana Bešlija. Mojom inicijativom naročito želim da naglasim koliko je važan Program sufinansiranja produženog boravka za djecu sa poteškoćama u razvoju, a na bazi potreba i inicijative koju sam dobila direktno od Vijeća roditelja, Centra za odgoj i obrazovanje, rehabilitaciju Vladimir Nator, koji su mi se obratili sa molbom za subvencioniranje troškova korištenja usluga produženog boravka za djecu sa poteškoćama u razvoju. I na ovaj način želim da podržim inicijativu koju je podnijela moja kolegica Vildana Bešlija i da još jednom naglasim koliko je ova inicijativa važna za svu našu djecu. Centar ima 120 učenika, usluge produženog boravka koristi tek njih tridesetak, jer mnogi roditelji nemaju uslove da upišu djecu u produženi boravak zbog troškova, a rad sa djecom sa poteškoćama u razvoju, produženom boravku sa dodatnim tretmanima bi bio viši nego koristan za našu djecu. I imam jedno zastupničko pitanje koje postavljam u ime Kluba Socijaldemokratske partije, a odnosi se više i prema zakonodavnom dijelu vlasti nego prema izvršnom. Naime, postavljam pitanje dokle je procedura izrade novog Poslovnika Skupštine Kantona Sarajevo koji i podsjećam vas da je 19. 4. 2023. donijet Zaključak kojim smo formirali radnu grupu koju čine i predstavnici pozicije i predstavnici opozicije, kako bismo došli do novog Nacrta Poslovnika. I evo, rok je bio 30 dana i već kasnite 5 mjeseci sa dostavljanjem nacrta dokumenta u skupštinsku proceduru, tako da na ovaj način postavljam pitanje dokle je Nacrt i kad ga možemo očekivati s obzirom na kašnjenje od 5 mjeseci?“

Zastupnik Redžo Lemezani je podnio sljedeće (citiramo): „Prvo pitanje inicijativa ide za Ministarstvo pravde. U kojoj fazi je isplata kompletnog dugovanja prema radnicima Sarabona po presudama iz Strazbour-a. Ukoliko nije u završnoj fazi, molim ministarstvo evo malo da se uozbilji po ovom pitanju, s obzirom da je većina ljudi koji čekaju ovu isplatu umrla, nisu dočekala, smrt ih je spriječila jer je čekanje više od 15 godina. Mislim da nije rješenje da čekamo da svi ostale smrt zadesi i tako riješimo taj problem. Drugo pitanje prema Ministarstvu unutrašnjih poslova, u kojoj je fazi je projekat video nadzora Kantona Sarajevo? Jel u prethodnim nekoliko godina čuli smo da ima projekat, da se radi i na njemu? Mislim da je grad Sarajevo, Kantona Sarajevo jedan od rijetkih gradova koji nema kompletan video nadzor što bi sigurno preventivno

značio za našu sigurnosnu situaciju. Oba odgovora mogao pisano dobit ukoliko tako ministrima odgovora“.

Zastupnica Belma Kapo je podnijela sljedeće (citiramo): „Ja ću svoju inicijativu, neću ponavljati, nego ću se referisati na zaključak koji smo dobili od kolege Adia Kalema, glasat ću, naravno, za, samo ću zamoliti premijera Kantona Sarajevo da u sklopu svih daljnjih aktivnosti po ovom pitanju obavezno prije poduzimanja bilo čega u Kantonu Sarajevo vezano za onkološke i sve druge pacijente, uključujući pacijente za rijetke bolesti, tražimo od Zavoda zdravstvenog osiguranja Federacije listu pacijenata iz Kantona Sarajevo koji su na listama čekanja, oboljenja za koja je potrebno, jer je Kanton Sarajevo preuzeo svoju, Vlada Kantona Sarajevo ke donijela odluku u devetom mjesecu kojom je Kantonalnom zavodu naložila da se ukinu liste čekanja za pacijente sa reumatoidnim artritismom i pacijente sa oboljenjima psorijaze, tako da smo sigurno taj segment morali pokriti iz Kantonalnog zavoda zdravstvenog osiguranja. Pa vas molim da imamo prije bilo kakvih poteza tačno listu lijekova i listu pacijenata za Kantonu Sarajevo šta nedostaje da ljudi ti konačno dođu do svog prava na liječenje. Ovaj problem je od 2002. godine i mora se u budućnost tražiti sistemsko rješenje kako ne bismo došli u situaciju da bilo koji čovjek svoja prava za liječenje traži na ulici. Eto, samo sam to htjela da vam dodam, da budete pažljivi jer ću vas podsjetiti na ponder kojim su svi drugi Kantoni dobili veća sredstva pa sada nek preuzmu odgovornost za pacijente iz svog kantona“.

Zastupnica Vildana Bešlija je podnijela sljedeće (citiramo): „Ja ću pročitati jednu inicijativu, a ostalo ću dostaviti u pisanoj formi. Inicijativa se odnosi, odnosno upućujem je na Vladu Kantona Sarajevo i Ministarstvu za odgoj i obrazovanje, a ona je za psihološko savjetovanje i psihološku procjenu učenika i nastavnika. Uzimajući u obzir značaj mentalnog zdravlja i stvaranje sigurnog okruženja u školama, smatram neophodnim da se vrši redovno psihološko savjetovanje i psihološka procjena učenika i nastavnika. Inicijativa obuhvata određivanje obaveznog kolektivnog, psihološkog i individualnog psihološkog savjetovanja u okviru odjeljenja, kao i uspostavljanje obavezne periodične procjene psihološkog stanja učiteljskog, nastavničkog i profesorskog kadra. Kao strateške partnere, između ostalog navedeni Savez psihoterapeutskih udruženja u Bosni i Hercegovini, a mjere koje trebaju biti poduzete podrazumijevaju izmjene Pravilnika o pedagoškim standardima te, naravno, i sve ostale akte i propise, ali i mjere koje Vlada i Ministarstvo procjene kao neophodne u svrhu realizacije ove inicijative“.

Zastupnica Mersiha Mehmedagić je podnijela sljedeće (citiramo): „Upućujem inicijativu Vladi Kantona Sarajevo i Ministarstvu komunalne privrede i infrastrukture prostornog uređenja, građenja i zaštite okoliša da u skladu sa Zakonom o komunalnim djelatnostima član 2, stav 4. i član 3. Stav 2. tačka b) kroz zajedničku komunalnu potrošnju financiraju i održavanje čistoće na zaštićenim područjima Javne ustanove "Zaštićena prirodna područja" na kojima nije uspostavljen sistem naplate ulaza, a to su Bembaša, Skakavac, Trebević i Stojčevac. Kako se prikupljanje otpada vrši vlastitim ljudskim resursima, a odvoz otpada financira iz vlastitih sredstava Ustanove koja su neophodna za tekuće troškove i troškove osnovne djelatnosti, te razvoj i unapređenja sadržaja infrastrukture, neophodno je uvrstiti navedena područja u zajedničku komunalnu potrošnju i osigurati za Ustanovu besplatan odvoz otpada sa prethodno navedenih zaštićenih područja. Drugu inicijativu upućuje Ministarstvu zdravstva Kantona Sarajevu i moram napomenuti da sam u istraživanju vezano za ovu inicijativu našla podatak da se u prethodnom mandatu kolegica Neira Dizdarević u nekoliko navrata obraćala sa istom inicijativom, ali, nažalost, ta inicijativa nije nikad realizovana, pa eto, na zadovoljstvo i nje i institucija sa kojima je radila, ja ću je vrlo rado aktualizirati. Podnosim inicijativu za izmjene i dopune postojeće Odluke u ličnom učešću osiguranih lica u troškovima korištenja zdravstvenih usluga i snošenju troškova liječenja na teritorij Kantona Sarajevo. Imajući u vidu da su djeca i osobe sa poteškoćama u razvoju jedna od najosjetljivijih kategorija stanovništva i da su njihove porodice izložene brojnim

troškovima za poboljšanje općeg zdravstvenog stanja, u cilju smanjenja finansijskog tereta za ove porodice, predlažem izmjene gore navedene odluke. Pored izmjena u korist spomenute kategorije, iniciram ujednačavanje prava i civilnih žrtava rata sa procjenom invaliditeta od najmanje 60 odsto sa pravom ratnih vojnih invalida na banjsko liječenje i izmjene predlažem u inicijativi kako slijedi, da ne čitam i oduzimam vrijeme".

Zastupnik Davor Čičić je podnio sljedeće (citiramo): „Podnijet ću jednu inicijativu ispred Kluba zastupnika SDP-a, jednu u svoje ime. Ispred Kluba zastupnika, podnosimo zastupničku inicijativu, ovog puta prema općini Novo Sarajevo, ali ćemo nakon dobivanja podataka od ostalih općina po ovom pitanju dostaviti i ostalim općinama u Kantonu Sarajevo. Znači Klub zastupnika SDP-a BiH upućuje inicijativu da se hitno riješi pitanje interno raseljenih lica na području općine Novo Sarajevo koji imaju status nosioca stanarskog prava u objektima koji se nalaze na teritoriju Općine Novo Sarajevo koji su ratnim dejstvima uništili ili oštećeni, koji nisu obnovljeni do dana današnjeg. Upoznati smo sa problemom izgradnje stambenog objekta kolektivnog stanovanja u ulici Ivana Gorana Kovačića 17 do 21, za koje je pokrenut Upravni spor u januaru 2021.godine, te tražimo da se nađe način iznalaženja novog rješenja, a koji je u nadležnosti općine kojim će se konačno raseljenim licima, interno raseljenim licima na području Kantona Sarajevo, u ovom slučaju Općine Novo Sarajevo, omogućiti dostojanstven život u glavnom gradu Bosne i Hercegovine. Prema podacima kojim trenutno raspolažemo, na teritorij Novog Sarajeva ima 31 interno raseljeno lice koje još nisu riješili ovaj status. A kažem po dobijanju informacija od ostalih općina uputit ćemo inicijativu i svim ostalim općinama za rješavanje ovog pitanja. Kako imamo trenutno neke nezvanične informacije, neke općine su već riješile ovo pitanje, pa samim tim postoji mogućnost da ostale općine nađu način kako da su ovo pitanje riješi. Druga inicijativa, ja sam je već podnio na prethodnoj sjednici Skupštine, ali evo, pokušat ću da ponovno podnesem zbog urgencije jer zaista mislim da se radi o urgentnoj situaciji, a radi se o postavljanju usporivača brzine na više lokacija u ulici Nikole Šopa Opština Ilidža, prije svega na prostoru oko Osnovne škole, područne Osnovne škole KŠC Sveti Josip, kao i postavljanje zvučne i svjetlosne signalizacije upozorenja na lokaciji navedene škole. Svjedoci smo teške saobraćajne nesreće koja se prije određenog vremena desila u toj ulici, u kojoj je teške tjelesne povrede zadobio učenik te Osnovne škole. Ja imam informaciju da su Direkcija za ceste i predstavnici Općine Ilidža već izlazili na teren, da su našli neko rješenje. Samo ovim putem ponavljam ovu inicijativu i urgiram da se ovo pitanje što prije riješi jer zaista na tom području imamo veliki problem sa sigurnošću djece u saobraćaju, prije svega djece, ali i ostalih učesnika u saobraćaju“.

Dopredsjedavajući Vibor Handžić je podnio sljedeće (citiramo): „Podnosim inicijativu prema Ministarstvu kulture i sporta Kantona Sarajevo za izradu jedinstvene web stranice za ustanove kulture u Kantonu Sarajevo na kojoj bi mogli pratiti sve aktualne sadržaje vezano za ustanove kulture u Kantonu Sarajevo, kao i ono što bi bilo puno važnije omogućiti jedinstvenu nabavku ulaznica za npr. predstave, izložbe ili one kulturne sadržaje koje se odvijaju, recimo u BKC-u. Ovu sam inicijativu dobio zaista od građana koji, koji su radi posjećivati kulturne sadržaje unutar ustanova kulture u Kantonu Sarajevo, koji su ovo detektovali kao određenu vrstu problema. S Obzirom da je prilično konfuzno, posebno ovo oko nabavke ulaznica, a smatram da ovo posebno ustanovama ide u prilog nakon ove nove Uredbe koja je neki dan na snazi vezano za prikupljanje sredstava, upravo između ostalog, od prodaje ulaznica, za kulturne sadržaje. Također podnosim inicijativu, koliko je to u mogućnosti, naravno, uvođenje zvučne signalizacije u vozilima javnog prijevoza u Kantonu Sarajevo prema Ministarstvu saobraćaja. Dakle, tu praksu već imamo u ovim novonabavljenim trolejbusima koji saobraćaju u Kantonu Sarajevo i smatram da je ova inicijativa višestruko korisna, najprije za slijepce i slabovidne osobe koji su korisnici javnog prijevoza u Kantonu Sarajevo, ali i sve ostale građane i turiste itd. I treća inicijativa, evo, neću zaista, kolega Čičić je upravo podnio tu inicijativu, samo ću reći da je apsolutno podržavam.

Čini mi se da su govorimo o interno raseljenim, čini mi se da po mojim informacijama da su opštine Stari Grad završila taj cijeli proces i da će Opština Centar kada se završi ova zgrada socijalnog stanovanja na Šipu, također završiti, odnosno riješiti taj problem. Za Novo Sarajevo sam upoznat i evo kada dobijemo informaciju od ostalih opština, potpuno podržavam tu inicijativu da krenemo u rješavanje ovog problema“.

Zastupnik Elvis Vreto je podnio sljedeće (citiramo): „Imam jedno pitanje za Ministarstvo saobraćaja i Direkcije za ceste Kantona Sarajevo, kao i Javno preduzeće Ceste Federacije. Radi se o području Blažuja, odnosno broj cest, i šinama koje je za onaj teretne vozove koje se koriste. Obzirom na prethodne odgovore i informacije koje smo dobili na pokretanje određenih inicijativa da se te šine uklone, jasno je da zbog pristupa Terminalima Federacije to neće biti učinjeno, zanima me sljedeća informacija, odnosno postavljam pitanje da li je u planu rekonstrukcija tog područja tih šina, obzirom da po uzoru , je li na rekonstrukciju, kako je to rađeno na tramvajskim šinama i prijelazima? I onaj kad se to može očekivati, obzirom na jako loše stanje na tom lokalitetu i koji generalno usporava i ugrožava sigurnost učesnika u saobraćaju? Drugo moje pitanje se odnosi i za Ministarstvo odgoja, ono je vezano, naravno, i za Ministarstvo visokog obrazovanja. Radi se o taksama na inicijativu koju sam ja pokrenuo vezano za auto škole, ona je usvojena. Ova Skupština, Kantona zadužila je Vladu da pripremi novu odluku i da te takse smanji, međutim u praksi to se još uvijek nije desilo. Po zadnjoj informaciji zbog razdvajanja dva ministarstva, radit će se posebne dvije odluke o visini naknada zavisno iz resora kojem pripadaju, pa me zanima da li su te izmijenjene izmjena tih odluka, da li je u pripremi, da li ih Vlada ima namjeru brzo razmatrati, jer zaista je sramota da se skupštinska odluka ne provodi već 3 godine. Evo, i tražim, to je ujedno i pitanje i za jedno i za drugo Ministarstvo kada će izmijenjene odluke i ugrađena ovaj zaključak i usvojena inicijativa Skupštine zaživjeti u praksi?“

Zastupnica Sebija Izetbegović je podnijela sljedeće (citiramo): Dakle, referirat ću se na ovu inicijativu koja se odnosi na obezbjeđenje dovoljnog broja kemoterapija za oboljele od karcinoma u Kantonu Sarajevo. Kao što znate, tu neće biti jedini problem novčana sredstva, niti količina novca koja će se u to uložiti, pa ću podnijeti da Vlada Kantona Sarajevo napravi napor i utjecaj prema Federalnom zavodu zdravstvenog osiguranja, iznalaženju mogućnosti da klinički centri na području Federacije Bosne i Hercegovine mogu dobiti dozvolu da vrše nabavku citostatskih sredstava. Kao što znate samo Federalni zavod zdravstvenog osiguranja i reosiguranja ima ovlasti da nabavlja citostatike i dešava se na Klinici za onkologiju Kliničkog centra Univerziteta u Sarajevu da u jednom trenutku nedostaje po 19 različitih citostatika. Mi ih, nažalost, ne možemo primijeniti zato što nam ih Federalni zavod zdravstvenog osiguranja ne dostavlja. Svake godine imamo problem u decembru koji se prati objašnjenjem iz Federalnog zavoda da je Božić i da nigdje nitko ne radi. Dakle, ono što znamo je da je Božić svake godine isti dan i mislim da bi Federalni zavod morao adekvatno tome da nabavi određene količine citostatika prema planu i programu i broju pacijenata o kojima imamo sasvim egzaktno i tačne podatke i da bi adekvatno tome trebalo da nabavljaju citostatike. Dakle, moja inicijativa je da se da dozvola kliničkim centrima, koji primjenjuju citostatsku terapiju, da je oni mogu i nabavljati“.

Zastupnik Mahir Dević je podnio sljedeće (citiramo): „, Moja inicijativa koju podnosim po treći put odnosi se na hitno pokretanje procedure da se po skraćenom postupku izmijeni Zakon o prostornom uređenju u Kantonu Sarajevo, u smislu legalizacije bespravno izgrađenih objekata. Slušamo već 2 godine ovdje obećanja, lijepe priče koje nam pričaju premijeri. Tada je obećavao premijer Forto, poslije njega ministar prostornog uređenja, koji je bio tada. Znači, imamo jednu potpunu blokadu sistema u smislu legalizacije objekata na području Kantona Sarajevo, a kada su u pitanju ti objekti, znači postoje objekti koji su zaista u potrebi da se legaliziraju, koji se nalaze na gradskom građevinskom zemljištu, ali iz raznih pravnih razloga nemanja čistih imovinsko pravnih

odnosa, ljudi nisu bili u stanju da taj posao završe. Krajnje je vrijeme premijeru da jedan ovakav zakon dođe, u skupštinsku proceduru. Ovo je ponovo, evo inicijativa, apel, molba, zaključak zovite više kako hoćete, tri puta sam, ovo mislim da je danas već treći put kako ovo govorim u posljednje tri godine. Drugo pitanje sljedeća stvar je ustvari pitanje koje postavljam premijeru, a ujedno može biti neka vrsta inicijative. Da li vi premijeru smatrate da je ukidanje savjetničkih pozicija u Kantonu Sarajevo kao neka vrsta političkog populizma u smislu racionalizacije budžetskih sredstava dala opravdanje da se nešto tako uradi. Svjedoci smo da kroz razna ministarstva, institucije imate ljude koji je angažirate na ugovor o djelu, ne znam različite forme ugovora, očigledno ima potrebe da se pomogne određenim, kompleksnijim ministarstvima, pa i vama. Da li smatrate da bi zaista bilo vrijeme da se jedan takav zakon vrati u skupštinsku proceduru i da se ozbiljno razmisli i da se na racionalan način taj broj savjetničkih mjesta možda umanji, ali da se vrati Skupštini Kantona Sarajevo, da ona kao odgovoran organ donese jednu takvu odluku jer ovo što dobijamo praktično trošimo vjerojatno ista budžetska sredstva ili možda čak i više, a nemamo stručne i kompetentne ljude koji će pokrivati resore i ministrica a evo i vama. Ukoliko je vaš odgovor da smatrate da bi takav jedan zakon trebalo vratiti u proceduru, evo, ovu moju diskusiju shvate kao jednu vrstu inicijative da se krene u tom pravcu. Bilo bi mi drago zaista, evo da ove dvije stvari se riješe, da ne bude da samo jedno pričamo, a ustvari drugo radimo“.

Nakon iscrpljene liste prijavljenih za pitanja i inicijative, dopredsjedavajuća Kristić je pozvala premijera, ministrice i ministre da ponude odgovore na pitanja za koje je tražen usmeni odgovor.

Svoje odgovore na postavljena pitanja su ponudili: Nihad Uk, premijer, Admir Katica ministar unutrašnjih poslova, Darja Softić-Kadenić, ministrica pravde i uprave, Pavle Krstić, ministar za nauku, visoko obrazovanje i mlade i Emir Dedović, ministar finansija.

U međuvremenu, predsjedavanje sjednicom je preuzeo predsjedavajući Elvedin Okerić.

Zadovoljstvo usmenim odgovorom izrazio je zastupnik Damir Marjanović, dok su svoje nezadovoljstvo odgovorima ili uopšte neodgovaranjem na njihova pitanja, iskazali zastupnici: Fatima Gavrankapetanović-Smailbegović, Mahir Dević, Jasmin Šaljić i Elvis Vreto. Dopunske odgovore su ponudili premijer Uk i ministar Katica.

Po zaključivanju diskusije, predsjedavajući je konstatovao da se Skupština ne može trenutno izjašnjavati po Inicijativi zastupnika Adija Kalema, koja u osnovi zahtjeva izdvajanje finansijskih sredstva, te je istakao da će se ista prvo proslijediti Vladi KS na očitovanje.

Prije same realizacije naredne tačke, zastupnik Mahir Dević je zatražio polusatnu pauzu u ime Kluba SDA.

NASTAVAK NAKON PAUZE

U nastavku nakon pauze pristupilo se realizaciji tačke dva.

AD-2.

RAZMATRANJE OSTAVKE PREMIJERA KANTONA SARAJEVO

- a) *Prijedlog odluke o prihvatanju ostavke premijera Kantona Sarajevo i*
- b) *Prijedlog odluke o razrješenju Vlade Kantona Sarajeva*

Zastupnici su materijal dobili uz poziv za sjednicu.

Predsjedavajući Elvedin Okerić je kao predsjedavajući Komisije za izbor i imenovanja i administrativna pitanja podnio ukratko obrazloženje za obje podtačke.

U ime Zakonodavno-pravne komisije obratio se predsjedavajući iste, zastupnik Aljoša Čampara.

Poslovničku intervenciju je imao zastupnik Mahir Dević koji je tražio da se podnosilac ostavke obrati i obrazloži razloge za istu, nakon čega se obratio premijer Nihad Uk.

Pitanja za Predlagača ima li su zastupnici: Vedrana Vujović, Mahir Dević, Faruk Selmanović, Jasmin Šaljić, Muamer Bandić i Damir Marjanović.

Odgovore na postavljena pitanja zastupnika dao je predsjedavajući Zakonodavno-pravne komisije, a zatim premijer Nihad Uk.

U otvorenoj diskusiji riječ su uzeli zastupnici: Mahir Dević, Vedrana Vujović, Faruk Selmanović, Damir Marjanović, Redžo Lemezani, Marijela Hašimbegović, Aljoša Čampara, Faruk Kapidžić, Jasmin Šaljić,

Replike su imali zastupnici: Aljoša Čampara, Mahir Dević, Muamer Bandić, Vildana Bešlija, Elvedin Okerić, Vedrana Vujović, Jasmin Šaljić i Redžo Lemezani,

Ispravka krivog navoda: Aljoša Čampara, Mahir Dević, Muamer Bandić, Vildana Bešlija i Vitor Handžić,

Poslovničku intervenciju su imali zastupnici: Elvis Vreto i Muamer Bandić.

U toku realizacije ove tačke, predsjedavanje sjednicom nakratko je preuzeo dopredsjedavajući Vitor Handžić.

Zaključivši diskusije, predsjedavajući je pozvao zastupnike da se izjasne o prijedlozima odluka.

a)

Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela Odluku o prihvatanju ostavke premijera Kantona Sarajevo (s 21 glas „za“, 12 glasova „protiv“ i 1 „suzdržan“ glas).

b)

Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela Odluku o razrješenju Vlade Kantona Sarajevo (s 21 glas „za“, 11 glasova „protiv“ i 1 „suzdržan“ glas).

Poslije izjašnjavanja predsjedavajući je predložio pauzu za ručak u trajanju od sat i po, koju su zastupnici podržali većinom glasova (s 19 glasova „za“, 5 glasova „protiv“ i 1 „suzdržan“ glas).

NASTAVAK NAKON PAUZE

Realizacija tačke tri.

AD-3.

PRIJEDLOZI ODLUKA O DAVANJU/PROMJENI NAZIVA ULICAMA NA PODRUČJU KANTONA SARAJEVO:

- a) Prijedlog odluke o davanju naziva ulicama na području Općine Novi Grad Sarajevo;
- b) Prijedlog odluke o promjeni naziva kraka dijela ulice na području Općine Centar Sarajevo - MZ "Betanija" u novi naziv: ulica Saše Krušića;
- c) Prijedlog odluke o promjeni naziva dijela ulice na području Općine Centar Sarajevo - MZ "Hrastovi-Mrkovići" u novi naziv: ulica Hasanović Jusufa Juke;
- d) Prijedlog odluke o preimenovanju kraka ulice na području Općine Centar Sarajevo - MZ "Pionirska dolina" u novi naziv: ulica Prof.dr. Mustafe Imamovića;
- e) Prijedlog odluke o imenovanju ulice Nahorevo na području Općine Centar Sarajevo - MZ "Nahorevo" u novi naziv: ulica Šehida Nahoreva;
- f) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv (nastavak postojeće ulice): ulica Armije Republike Bosne i Hercegovine;
- g) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv: ulica Vroce;
- h) Prijedlog odluke o imenovanju ulice na području Općine Centar Sarajevo - MZ "Nahorevo" u novi naziv: ulica Selja;
- i) Prijedlog odluke o imenovanju ulice na području Općine Centar Sarajevo- MZ "Nahorevo" u novi naziv ulica Gradac;
- j) Prijedlog odluke o imenovanju ulice na području Općine Centar Sarajevo- MZ "Nahorevo" u novi naziv: ulica Usjel.

Zastupnici su materijal za tačku dobili uz poziv za sjednicu. Smatrali su da nije potrebno uvodno izlaganje Predlagača, nije bilo prijavljenih za pitanja i diskusiju, pa se prešlo na izjašnjavanje po podtačkama, *kako slijedi:*

a)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju naziva ulicama na području Općine Novi Grad Sarajevo (s 27 glasova „za“, bez glasova „protiv“ i „suzdržan“).

b)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o promjeni naziva kraka dijela ulice na području Općine Centar Sarajevo - MZ "Betanija" u novi naziv: ulica Saše Krušića (s 27 glasova „za“, bez glasova „protiv“ i „suzdržan“).

c)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o promjeni naziva dijela ulice na području Općine Centar Sarajevo - MZ "Hrastovi-Mrkovići" u novi naziv: ulica Hasanović Jusufa Juke (s 27 glasova „za“, bez glasova „protiv“ i „suzdržan“).

d)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o preimenovanju kraka ulice na području Općine Centar Sarajevo - MZ "Pionirska dolina" u novi naziv: ulica Prof.dr. Mustafe Imamovića (s 27 glasova „za“, bez glasova „protiv“ i „suzdržan“).

e)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice Nahorevo na području Općine Centar Sarajevo - MZ "Nahorevo" u novi naziv: ulica Šehida Nahoreva (s 27 glasova „za“, bez glasova „protiv“ i „suzdržan“).

f)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice na području Općine Centar Sarajevo - MZ "Nahorevo" u novi naziv (nastavak postojeće ulice): ulica Armije Republike Bosne i Hercegovine (s 27 glasova „za“, bez glasova „protiv“ i „suzdržan“).

g)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice na području Općine Centar Sarajevo - MZ "Nahorevo" u novi naziv: ulica Vroce (s 27 glasova „za“, bez glasova „protiv“ i „suzdržan“).

h)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice na području Općine Centar Sarajevo - MZ "Nahorevo" u novi naziv: ulica Selja (s 27 glasova „za“, bez glasova „protiv“ i „suzdržan“).

i)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice na području Općine Centar Sarajevo- MZ "Nahorevo" u novi naziv ulica Gradac (s 27 glasova „za“, bez glasova „protiv“ i „suzdržan“).

j)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o imenovanju ulice na području Općine Centar Sarajevo- MZ "Nahorevo" u novi naziv: ulica Usjel (s 27 glasova „za“, bez glasova „protiv“ i „suzdržan“).

Predsjedavajući je potom prekinuo zasjedanje 10. Radne sjednice Skupštine Kantona Sarajevo kazavši da će zastupnici o nastavku biti blagovremeno obaviješteni.

Broj: 01-04-43434/23

25.10.2023.godine

SARAJEVO

Zapisnik izradila:

Lejla Kadrić

SEKRETAR

SKUPŠTINE KANTONA SARAJEVO

Aida Zeković

PREDSJEDAVALAČI

SKUPŠTINE KANTONA SARAJEVO

Elvedin Okerić

ZAPISNIK
O RADU PRVOG NASTAVKA DESETE RADNE SJEDNICE SKUPŠTINE KANTONA SARAJEVO ODRŽANE 07.11.2023.GODINE SA POČETKOM RADA U 10,00 SATI

Prvi nastavak Desete radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 21 zastupnica i zastupnik. Izostanak sa sjednice opravdali su zastupnici Ilijaz Pilav, Adi Kalem i Albin Zuhrić. Sjednici nisu prisustvovali zastupnici: Sebija Izetbegović i Damir Marjanović.

U skladu s naprijed navedenim, prisustvo zastupnika Prvom nastavku Desete radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kapidžić Faruk
3. Selmanović Faruk
4. Viteškić Smiljana
5. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čengiće Irfan
3. Čičić Davor
4. Kapo Belma
5. Pekić Jelena
6. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da su se na prethodnom zasjedanju obradile prve tri tačke, te da ovo zasjedanje počinje realizacijom tačke četiri Dnevnog reda.

AD-4.

Prijedlog Odluke kojom se daje saglasnost na Nacrt ugovora o prijenosu prava vlasništva uz protučinidbu između Kantona Sarajevo, Kantonalnog javnog komunalnog preduzeća "Vodovod i Kanalizacija" d.o.o. Sarajevo, koji će biti zaključen pred notarom između Kantona Sarajevo kao sticaoca, Kantonalnog javnog komunalnog preduzeća "Vodovod i Kanalizacija" d.o.o., Sarajevo kao prenosioca

Zastupnici su materijal za ovu tačku dobili u dopunskom materijalu, a uvodno izlaganje u ime Predlagača podnio je ministar unutrašnjih poslova Admir Katica.

Pitanja za Predlagača su imali sljedeći zastupnici: Marijela Hašimbegović, Jasmin Šaljić i Irfan Čengić, na koja im je ministar Katica ponudio odgovore.

U otvorenoj diskusiji učestvovali su zastupnici: Faruk Kapidžić, Mahir Dević, Jasmin Šaljić. Repliku je imao zastupnik Mahir Dević.

Pošto je iscrpljena diskusija, predsjedavajući je istu zaključio i pozvao zastupnike da se izjasne o Prijedlogu Odluke kojom se daje saglasnost na nacrt Ugovora o prenosu prava vlasništva uz protučinidbu između Kantona Sarajevo i Kantonalnog javnog komunalnog preduzeća „Vodovod i kanalizacija” d.o.o. Sarajevo koji će biti zaključen pred notarom između Kantona Sarajevo, kao sticaoca i Kantonalnog javnog komunalnog preduzeća „Vodovod i kanalizacija” d.o.o. Sarajevo, kao prenosioca.

*Na osnovu rezultata glasanja, predsjedavajući je konstatovao da je Skupština **jednoglasno donijela ovu Odluku** (s 23 glasa „za“ i bez glasova „protiv“ i „suzdržan“).*

Realizacija tačke pet dnevnog reda.

AD-5.

Prijedlog Odluke o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo

Zastupnik Mahir Dević je u ime Kluba SDA zatražio polusatnu pauzu, koja mu je odobrena.

NASTAVAK NAKON PAUZE

Predsjedavajući je dao mogućnost zastupniku Mahiru Deviću da obrazloži razloge zatražene pauze, što je on i učinio.

U nastavku, predsjedavajući je konstatovao da su zastupnici materijal dobili u dopuni. Premijer Kantona Sarajevo, Nihad Uk, podnio je uvodno izlaganje.

Pitanja za premijera je imao zastupnik Jasmin Šaljić, na koje je dobio odgovor odmah.

Kako nije bilo prijavljenih zastupnika za diskusiju, predsjedavajući ih je pozvao da se izjasne o Prijedlogu navedene odluke.

*Na osnovu rezultata glasanja, predsjedavajući je konstatovao da je Odluka o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo **donesena jednoglasno**, (s 27 glasova „za“, i bez glasova „protiv“ i „suzdržan“).*

Realizacija tačke šest. Predsjedavajući je napomenuo zastupnike da će se voditi objedinjena rasprava po svim podtačkama, a izjašnjenje pojedinačno.

AD-6.

PROGRAMI RADA IZ OBLASTI ZDRAVSTVA ZA 2023 GODINU:

- a) Prijedlog Odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2023. godinu;
- b) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu žena i materinstva Kantona Sarajevo za 2023. godinu;
- c) Prijedlog Odluke o davanju saglasnosti na Program rada i finansijski plan Javne ustanove Kantona Sarajevo Zavod za zaštitu zdravlja studenata Univerziteta u Sarajevu za 2023. godinu;
- d) Prijedlog Odluke o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2023. godinu;
- e) Prijedlog Odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2023. godinu;

- f) Prijedlog Odluke o davanju saglasnosti na Program rada i finansijski plan Javne ustanove „Apoteke Sarajevo“ za 2023. godinu;
- g) Prijedlog Odluke o davanju saglasnosti na Program rada i finansijski plan Javne ustanove Opća bolnica „Prim. dr. Abdulah Nakaš“ za 2023. godinu;
- h) Prijedlog Odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović za 2023. godinu;
- i) Prijedlog Odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2023. godinu;
- j) Prijedlog Odluke o davanju saglasnosti na Program rada i finansijski plan Javne ustanove Zavod za bolesti ovisnosti Kantona Sarajevo za 2023. godinu;
- k) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2023. godinu;
- l) Prijedlog Odluke o davanju saglasnosti na Program rada i finansijski plan Kliničkog centra Univerziteta u Sarajevu za 2023. godinu;
- m) Prijedlog Odluke o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2023. godinu

Zastupnici su materijal dobili u dopuni.

Uvodna izlaganja su podnijeli predstavnici javnih ustanova iz oblasti zdravstva, kako slijedi: Abel Baltić (direktor JU DZ KS), Enis Hasanović (direktor Zavoda za zdravstvenu zaštitu žena i materinstva), predstavnik (Zavod za zaštitu studenata UNSA), Adnan Hadžimuratović (direktor Zavoda za sportsku medicinu), Alma Bungur (direktorica Zavoda za javno zdravstvo KS), Zenaida Hasić (direktor JU Apoteke Sarajevo), Samira Hajdarević (predstavnik JU Opća bolnica "Prim.dr.Abdulah Nakaš"), dr. Jasna Huseinbegović-Musić, (v.d. direktorica JU Zavod za hitnu medicinsku pomoć KS), Senada Hodžić (pomoćnik direktora JU Zavod za medicinu rada, Rasema Okić (JU Zavod za bolesti ovisnosti KS), Nermin Granov (predstavnik JU KCUS), dr. Inga Lokmić-Pekić (direktor JU Psihijatrijska bolnica), dr. Anes Talović (direktor Zavoda za zdravstvenu zaštitu uposlenika MUP-a KS).

Pitanja za predlagače su imali zastupnici: Vedrana Vujović, Mersiha Mehmedagić, Smiljana Viteškić, Fatima Gavrankapetanović-Smailbegović, Jasmin Šaljić, Belma Kapo, Marijela Hašimbegović, Mahir Dević, Elza Gaković, Faruk Kapidžić, Haris Zahiragić, Muamer Bandić, Davor Čičić, Miomirka Melank i Jelena Pekić.

U toku postavljanja pitanja predsjedavanje sjednicom je nakratko preuzela dopredsjedavajuća Jelena Pekić.

S obzirom na veliki broj postavljenih pitanja, dopredsjedavajuća Pekić je predložila da se održi pauza za ručak u trajanju od sat i po, kako bi predstavnici zdravstvenih ustanova imali vremena da pripreme svoje odgovore.

Zastupnici su većinom glasova podržali prijedlog (s 20 glasova „za“, 3 glasa „protiv“ i 1 glas „suzdržan“).

NASTAVAK NAKON PAUZE

U nastavku nakon pauze predsjedavajući je pozvao predstavnike zdravstvenih ustanova da daju odgovore na postavljena pitanja onim redom kako su podnosili i uvodna izlaganja.

Predsjedavanje sjednicom, u toku davanja odgovora predstavnika zdravstvenih ustanova, nakratko je preuzela dopredsjedavajuća Jelena Pekić.

Dopredsjedavajuća Pekić je potom otvorila diskusiju u kojoj su učestvovali zastupnici: Mahir Dević, Jasmin Šaljić, Fatima Gavrankapetanović-Smailbegović, Belma Kapo, Mersiha Mehmedagić, Faruk Selmanović, Vedrana Vujović, Marijela Hašimbegović, Marijela Hašimbegović, Muamer Bandić, Smiljana Viteškić, Haris Zahiragić, Jelena Pekić,

Replike su imali zastupnici: Vildana Bešlija, Fatima Gavrankapetanović-Smailbegović, Belma Kapo, Vedrana Vujović, Haris Zahiragić, Mahir Dević, Vedrana Vujović, Smiljana Viteškić, Faruk Kapidžić, Muamer Bandić, Elvedin Okerić, Elza Gaković,

Ispravke krivog navoda su imali zastupnici: Mahir Dević, Aljoša Čampara i Elvedin Okerić.

Poslovničku intervenciju su imali zastupnici Mahir Dević i Muamer Bandić.

Predsjedavajući je po zaključivanju diskusije pozvao zastupnike da se izjasne o programima rada javnih ustanova iz oblasti zdravstva, kako slijedi

a)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2023.godinu (s 22 glasa „za“ i bez glasova „protiv“ i „suzdržan“).

b)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za zdravstvenu zaštitu žena i materinstva Kantona Sarajevo za 2023.godinu (s 23 glasa „za“ i bez glasova „protiv“ i „suzdržan“).

c)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za zaštitu zdravlja studenata Univerziteta u Sarajevu za 2023.godinu (s 21 glas „za“ i bez glasova „protiv“ i „suzdržan“).

d)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2023. godinu. (s 22 glasa „za“ i bez glasova „protiv“ i „suzdržan“).

e)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod

za javno zdravstvo Kantona Sarajevo za 2023. godinu (s 22 glasa „za“ i bez glasova „protiv“ i „suzdržan“).

f)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Apoteke Sarajevo za 2023.godinu (s 21 glas „za“ i 2 glasa „protiv“ i bez glasova „suzdržan“).

g)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Opća bolnica "Primarijus dr. Abdulah Nakaš" za 2023.godinu (s 23 glasa „za“ i 1 glas „protiv“ i bez glasova „suzdržan“).

h)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo "Primarius dr. Silva Rizvanbegović", za 2023.godinu (s 22 glasa „za“, 2 glasa „protiv“ i bez glasova „suzdržan“).

i)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2023.godinu (s 21 glas „za“, bez glasova „protiv“ i „suzdržan“).

j)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za bolesti ovisnosti Kantona Sarajevo za 2023.godinu (s 21 glas „za“, bez glasova „protiv“ i „suzdržan“).

k)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2023.godinu (s 22 glasa „za“, bez glasova „protiv“ i „suzdržan“).

l)

Na osnovu rezultata glasanja, predsjedavajući je konstatovao da Skupština nije donijela Odluku o davanju saglasnosti na Program rada i finansijski plan Kliničkog centra Univerziteta u Sarajevu za 2023.godinu (s 14 glasova „za“, 5 glasova „protiv“ i 4 glasa „suzdržan“).

m)

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2023.godinu (s 21 glas „za“, bez glasova „protiv“ i „suzdržan“).

Nakon izjašnjavanja, predsjedavajući se zahvalio prisutnim predstavnicima javno-zdravstvenih institucija na prisustvu i saradnji.

Realizacije tačke sedam.

AD-7.

Izveštaj o radu Univerziteta u Sarajevu za 2021. godinu sa Programom rada za 2022. godinu (sa Izveštajem o finansijskom poslovanju Univerziteta u Sarajevu za 2021. godinu i Izveštajem interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period od 1.1.-31.12.2021. godine)

Zastupnici su Izveštaj dobili u dopunskom materijalu, te su smatrali da nije potrebno uvodno izlaganje Predlagača.

Obzirom da nije bilo prijavljenih zastupnika za pitanja ili diskusiju, predsjedavajući je pozvao zastupnike da se izjasne o Izveštaju o radu Univerziteta u Sarajevu za 2021. godinu sa Programom rada za 2022. godinu.

*Na osnovu rezultata glasanja, predsjedavajući je konstatovao da je Izveštaj **usvojen većinom glasova** (s 20 glasova „za“, 1 glas „protiv“ i bez glasova „suzdržan“).*

Po zaključivanju sedme tačke, predsjedavajući je prekinuo sjednicu 10. Radne sjednice Skupštine Kantona Sarajevo, napomenuvši da će zastupnici biti blagovremeno obaviješteni o nastavku iste.

Broj: 01-04-43434/23

07.11.2023.godine

SARAJEVO

Zapisnik izradila:

Lejla Kadrić

SEKRETAR

SKUPŠTINE KANTONA SARAJEVO

Aida Zeković

PREDSJEDAVALAČI

SKUPŠTINE KANTONA SARAJEVO

Elvedin Okerić

ZAPISNIK

O RADU DRUGOG NASTAVKA DESETE RADNE SJEDNICE SKUPŠTINE KANTONA SARAJEVO ODRŽANE 13.11.2023.GODINE SA POČETKOM RADA U 10,00 SATI

Drugi nastavak Desete radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovalo 22 zastupnica i zastupnika. Izostanak sa sjednice su pravdali zastupnici: Faruk Selmanović i Muamer Bandić, a kašnjenje je najavila zastupnica Elza Gaković. Sjednici nisu prisustvovali zastupnici: Izetbegović Sebija i Pilav Ilijaz.

U skladu s naprijed iznesenim, prisustvo zastupnika Drugom nastavku Devete radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Viteškić Smiljana
5. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pabrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čengić Irfan
3. Čičić Davor
4. Kapo Belma
5. Pekić Jelena
6. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da su na prethodna dva zasjedanju obradili prvih sedam tačaka, te ovo zasjedanje počinje realizacijom tačke osam Dnevnog reda.

AD-8

IZVJEŠTAJI O POSLOVANJU KANTONALNIH JAVNIH PREDUZEĆA:

- a) *Izveštaj o poslovanju Kantonalnog javnog preduzeća “ZOI 84” Olimpijski centar Sarajevo d.o.o. Sarajevo za 2021. godinu;*
- b) *Izveštaj o poslovanju Kantonalnog javnog preduzeća Centar “Skenderija” d.o.o. Sarajevo za 2021. godinu;*
- c) *Izveštaj o poslovanju Kantonalnog javnog preduzeća “Sarajevo - šume” d.o.o. Sarajevo za 2021. godinu;*

Uvodna izlaganja u ime Predlagača podnijeli su direktori ova tri kantonalna javna preduzeća: Jasmin Mehić za KJP ZOI'84 „Olimpijski centar Sarajevo“, Damir Petrinić za KJP Centar „Skenderija“ i Samir Omerović za KJP „Sarajevo-šume“.

Predsjedavanje sjednicom nakratko je preuzeo dopredsjedavajući Vibor Handžić, a potom dopredsjedavajuća Danijela Kristić.

Pitanja za predstavnike Predlagača imali su zastupnici: Jasmin Šaljić, Marijela Hašimbegović, Mahir Dević, Vedrana Vujović, Mersiha Mehmedović, Haris Zahiragić, Aljoša Čampara, Admela Hodžić, Faruk Kapidžić, na koja su im direktori ponudili odgovore.

U toku postavljanja pitanja zastupnici Miomirka Melank, Jasmin Šaljić i Aljoša Čampara su imali poslovničku intervenciju, a zastupnica Marijela Hašimbegović ispravku krivog navoda.

Predsjedavanje sjednicom nakratko je preuzela dopredsjedavajuća Jelena Pekić, koja je otvorila raspravu u kojoj su učestvovali zastupnici: Mahir Dević, Haris Zahiragić, Marijela Hašimbegović, Vedrana Vujović, Mersiha Mehmedagić, Jasmin Šaljić, Miomirka Melank,

Replike na izlaganja kolega imali su zastupnici: Haris Zahiragić, Mersiha Mehmedagić, Mahir Dević, Aljoša Čampara, Marijela Hašimbegović.

Ispravku krivog navoda imala je zastupnica Mersiha Mehmedagić, dok je poslovničku intervenciju zatražio zastupnik Haris Zahiragić.

Nakon što su iscrpljene sve diskusije, dopredsjedavajuća Jelena Pekić je dala petominutnu pauzu na zahtjev zastupnika Redže Lemezana.

NASTAVAK NAKON PAUZE

Predsjedavajući Okerić je pozvao zastupnike da pristupe izjašnjanju o ponuđenim izvještajima, kako slijedi:

a)

*Na osnovu rezultata pojedinačnog glasanja, predsjedavajući je konstatovao da Izvještaj o poslovanju Kantonalnog javnog preduzeća ZOI' 84. „Olimpijski centar Sarajevo“, d.o.o. Sarajevo za 2021.godinu **nije dobio potrebnu većinu glasova**, (s 17 glasova „za“, i 2 glasa „protiv“ i 6 glasova „suzdržan“).*

b)

*Na osnovu rezultata glasanja, predsjedavajući je konstatovao da Izvještaj o poslovanju Kantonalnog javnog preduzeća Centar Skenderija d.o.o. Sarajevo za 2021.godinu **nije dobio potrebnu većinu glasova**, (s 0 glasova „za“, i 7 glasa „protiv“ i 18 glasova „suzdržan“).*

c)

*Na osnovu rezultata glasanja, predsjedavajući je konstatovao da Izvještaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2021 godinu **nije dobio potrebnu većinu glasova**, (s 0 glasova „za“, i 15 glasova „protiv“ i 11 glasova „suzdržan“).*

Predsjedavajući je potom predložio jednosatnu pauzu za ručak koju su zastupnici podržali jednoglasno, s 21 glas „za“.

NASTAVAK NAKON PAUZE

Na samom početku, nakon pauze, predsjedavajući je obavijestio zastupnike da prekida drugi nastavak 10. Radne sjednice Skupštine Kantona Sarajevo i napomenuo da će zastupnici biti blagovremeno obaviješteni o nastavku sjednice.

Broj: 01-04-43434/23
13.11.2023.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK

O RADU TREĆEG NASTAVKA DESETE RADNE SJEDNICE SKUPŠTINE KANTONA SARAJEVO ODRŽANE 05.12.2023.GODINE SA POČETKOM RADA U 09,00 SATI

Treći nastavak Desete radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 22 zastupnica i zastupnika, dok su se ostali priključili u toku zasjedanja. Izostanak sa sjednice opravdala je zastupnica Fatima Gavrankapetanović-Smailbegović, dok je kašnjenje najavila zastupnica Admela Hodžić. Sjednici nisu prisustvovali zastupnici: Muamer Bandić, Sebija Izetbegović, Damir Marjanović, Ilijaz Pilav i Albin Zuhrić.

U skladu s naprijed iznesenim, prisustvo zastupnika Trećem nastavku Desete radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodna tri zasjedanju obrađeno prvih osam tačaka dnevnog reda, tako da ovaj nastavak započinje tačkom devet Dnevnog reda, koja glasi:

AD-9.

Izveštaj o radu finansijskom poslovanju Javne ustanove Institut za razvoj preduniverzitetskog obrazovanja Kantona Sarajevo sa finansijskim planom za 2022 godinu sa priložima

Zastupnici su navedeni Izveštaj dobili u dopunskom materijalu. Uvodna izlaganja podnijele su predstavnice Instituta za preduniverzitetsko obrazovanje Ženeta Džumhur i Mirsada Šahbegović.

Pitanja za predstavnice Instituta imali su zastupnici: Marijela Hašimbegović, Faruk Selmanović i Jasmin Šaljić, koje su odmah ponudile svoje odgovore.

U otvorenoj diskusiji su učestvovali zastupnici: Marijela Hašimbegović, Faruk Selmanović i Belma Kapo.

Po zaključivanju rasprava, predsjedavajući je pozvao zastupnike da se izjasne o ponuđenom Izveštaju.

*Na osnovu rezultata glasanja, konstatovano je da je Izveštaj o radu i finansijskom poslovanju Javne ustanove Institut za razvoj preduniverzitetskog obrazovanja Kantona Sarajevo sa finansijskim planom za 2022.godinu **dobio potrebnu većinu glasova**, (s 19 glasova „za“, 5 glasova „protiv“ i bez glasova „suzdržan“).*

Realizacija tačke deset.

AD-10.

Izveštaja o radu Fonda Kantona Sarajevo za stipendiranje i školovanje djece boraca, poginulih boraca, poginulih civila, žrtava rata "IKRE" sa izvještajima o finansijskom poslovanju za 2022. godinu

Zastupnici su Izveštaj dobili u dopunskom materijalu, a uvodne napomene u ime Predlagača je podnio direktor Fonda „IKRE“, Smajo Halilović.

Nije bilo prijavljenih za postavljanje pitanja ili diskusiju, te je predsjedavajući pozvao zastupnike da se izjasne o navedenom Izveštaju Fonda „IKRE“.

*Na osnovu rezultata glasanja, konstatovano je da je Izveštaj o radu Fonda Kantona Sarajevo za stipendiranje i školovanje djece boraca, poginulih boraca, poginulih civila, žrtava rata „IKRE“ sa izvještajima o finansijskom poslovanju za 2022. godinu **dobio jednoglasnu podršku**, (s 22 glasa „za“, bez glasova „protiv“ i „suzdržan“).*

Realizacija tačke jedanaest.

AD-11.

Izveštaj o radu za 2022. godinu i Izveštaj o finansijskom poslovanju za period 01.01.-31.12.2022.godine Javne ustanove “Fond Memorijala Kantona Sarajevo”

Zastupnici su Izveštaj dobili u dopunskom materijalu, a uvodne napomene u ime Predlagača je podnio direktor Fonda Memorijala, Ahmet Kulanić.

Pitanja za direktora imao je zastupnik Mahir Dević.

U diskusiji su učestvovali zastupnici Mahir Dević, Aljoša Čampara, Jasmin Šaljić i Elvedin Okerić.

Zaključivši diskusiju predsjedavajući je dao petominutnu pauzu.

NASTAVAK NAKON PAUZE

Predsjedavajući je zamolio zastupnike da pristupe izjašnjanju o navedenom Izveštaju Fonda Memorijala.

*Na osnovu rezultata glasanja, konstatovano je da je Izveštaj o radu za 2022. godinu i Izveštaj o finansijskom poslovanju za period 01.01.-31.12.2022.godine Javne ustanove “Fond Memorijala Kantona Sarajevo” **dobio potrebnu većinu**, (s 22 glasa „za“, bez glasova „protiv“ i 5 glasova „suzdržan“).*

Realizacija tačke dvanaest.

AD-12.

Izveštaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2022. godinu

Zastupnici su Izvještaj dobili u dopunskom materijalu, nisu smatrali da je potrebno uvodno izlaganje predstavnika Fonda. Nije bilo prijavljenih za postavljanje pitanja.

U diskusiji su učestvovali zastupnici: Marijela Hašimbegović i Jasmin Šaljić.

Zaključivši raspravu, predsjedavajući je pozvao zastupnike da se izjasne o ponuđenom Izvještaju.

Na osnovu rezultata pojedinačnog glasanja, konstatovano je da Izvještaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2022. godinu nije dobio potrebnu većinu (uz 12 glasa „za“, bez glasova „protiv“ i 10 glasova „suzdržan“).

Realizacija tačke trinaest.

AD-13.

Izveštaj o radu i finansijskom poslovanju Kantonalnog stambenog fonda Sarajevo za 2022. godinu

Zastupnici su Izvještaj dobili u dopunskom materijalu.

Obzirom da predstavnik Predlagača nije bio prisutan u sali predsjedavajući je dao petominutnu pauzu.

NASTAVAK NAKON PAUZE

U nastavku sjednice, uvodne napomene u ime Predlagača je podnio Adnan Begić, pomoćnik ministra za ekonomsko-finansijske poslove i koordinaciju projekata u Ministarstvu komunalne privrede, infrastrukture, prostornog uređenja, građenja i zaštite okoliša.

Pitanja za predstavnika Predlagača imali su zastupnice Jelena Pekić i Marijela Hašimbegović, na koja im je pomoćnik ministra Begić odmah odgovorio.

U diskusiji su učestvovali zastupnice Marijela Hašimbegović, Jelena Pekić, Jasmin Šaljić i Mersiha Mehmedagić.

Repliku je imala zastupnica Marijela Hašimbegović.

Po zaključivanju diskusija predsjedavajući je pozvao zastupnike da se izjasne o ponuđenom Izvještaju.

Na osnovu rezultata glasanja, konstatovano je da Izvještaj o radu i finansijskom poslovanju Kantonalnog stambenog fonda Sarajevo za 2022. godinu nije dobio potrebnu većinu, (s 4 glasa „za“, 5 glasova „protiv“ i 13 glasova „suzdržan“).

Predsjedavajući je konstatovao da su iscrpljene sve tačke dnevnog reda Desete radne sjednice, zahvalio se zastupnicima na radu.

Broj: 01-04-43434/23
05.12.2023.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić